

汝南志卷之十九

郡人李本固叔茂甫撰

列女

春秋蔡人之妻者宋人之女也既嫁于蔡而夫有惡疾其母將改醮之女曰夫之不幸乃妾之不幸也柰何去之不聞采芣苢之草乎雖極臭惡始于將之終于懷顧之浸以益親况于夫婦之道乎彼無大故又不遣妾何以得去終不聽母言乃歌采芣苢之詩君子曰宋

女之志甚貞而一也

出劉向列女傳

漢馬氏融之女汝南袁隗之妻也字倫少有才辯融家世豐豪裝遣甚盛及初成禮隗問之曰婦奉箕箒而已何乃過珍麗乎對曰慈親垂愛不敢逆命君若欲慕鮑宣梁鴻之高者妾亦從少君孟光之事矣隗又曰弟先兄舉世以爲笑今處姊未適先行可乎對曰妾姊高行殊邈未遭良匹不似鄙薄苟然而已又問曰南郡公學窮道奧文爲辭宗而所在之

職輒以貨財爲損何耶對曰孔子大聖不免武叔之毀子路至賢猶有伯寮之愆家君獲此固其宜耳隗默然不能屈帳外聽者爲慚隗既寵貴當時倫亦有名于世年六十餘卒

張劭母

見劭傳

范滂母

見滂傳

晉李氏字絡秀汝南人周顓母也顓父浚爲安東將軍出獵遇雨過絡秀家會其父兄不在絡秀與一婢於內宰猪羊具數十人饌甚精

辨而不聞人聲浚恠使覘之獨見一女子甚
美浚因求爲妾其父兄初不許絡秀曰門戶
殄瘁何惜一女父兄許之遂生顓及嵩謨由
此李氏得爲方雅之族

韓氏義陽人梁州刺史宋序母也序鎮襄陽
符堅遣其將符丕等率衆圍序韓自登城履
行謂西北角當先受獎遂領百餘婢於其角
斜築一城賊果攻破西北角衆守新築城以
禦丕遂引退襄陽人謂此城爲夫人城

許氏汝南徐元妻也年二十一喪夫子甄方
三歲父攬愍其年少以更適同縣張買許自
誓不行父逼載送買許自經氣絕家人奔赴
良久乃蘇買知不可奪夜送還攬許歸徐氏
至宋元嘉中年八十餘卒

唐周氏鄴侯李泌母也幼時有異僧僧伽從泗
上來見而竒之曰此文後當歸李氏而生三
子其最小者慎勿以紫衣衣之當起家金紫
爲帝王師泌父李承休爲吳房令娶之周氏

既娠凡三年方寢而生泌生而髮至于眉先是周每產必累日困憊惟媿泌獨無恙由是小字爲順天寶十二載周氏卒泌歷事玄宗及肅代德四朝軍謀相業載于國史至宰相封侯非此母不生此子矣

出鄭侯外傳

楊氏董昌齡母也世居蔡昌齡事吳元濟爲吳房令母嘗密戒曰逆順成敗兒可圖之昌齡徙鄆城母復曰逆賊欺天神所不祐當速降無以我爲累兒爲忠臣吾死不恨會王師

逼鄆城昌齡乃降憲宗喜卽拜鄆城令兼監察御史昌齡謝曰母之訓也帝嗟嘆元濟囚母欲殺者屢矣蔡平而母在陳許節度使李遜表之封北平郡太君

元鄭氏羅山人太尉中書平章政事李思齊妾也元末汝穎兵起思齊率義兵屢復郡縣授汝寧知府後以太尉守關陝天兵入關思齊走臨洮已而內附授江西行省左丞陞中書平章政事卒鄭氏自縊歿事

聞追贈淑人謚曰貞烈

劉氏固始高希鳳妻也希鳳在遼東爲亂軍所掠斷其腕而歿劉罵不絕口爲所殺仲弟藥師奴妻李氏早寡携子姪避亂高麗

國初歸守夫墓誓不再適季弟伯顏不花爲納哈出所殺其妻郭氏自縊歿從子搭失丁爲父讐誣陷歿其妻金氏與姑邢氏俱自縊于室事

聞詔賜旌表尚書孫原貞作高氏五節婦詩

明張氏汝陽人吏部尚書趙好德之妻侍郎毅之母也元季大亂好德將杖策謁

高皇帝顧謂張曰柰汝娘何張曰是男歸君是女則母子俱歿而已遂洒泣而別張携家避難抵華州力作自給明年毅生戊申洪武改元好德已守安慶張携毅東歸適好德遣人來迎遇諸大梁張以毅付使者曰我所忍歿以待者爲此子也今令歸若主吾事畢矣遂悲傷發病卒洪武八年誥贈爲淑人

申氏汝寧府知府申達女也達於永樂間守汝與千戶郭昇相慕好睹其子瑛眉目不凡許以女妻之年十六歸瑛婉婉恭淑克閑婦道生一子興甫七月瑛邁疾申侍湯藥晝夜不離側既而卒申以頭觸柱血流濡衣歛葬以禮足未嘗出戶庭奉姑育子四十餘年言行動止皆可爲女則子長襲職誥封爲宜人瑛猶子賀早卒其妻劉氏方二十五歲毀形容勵節操孀居三十餘年正德改元有司以聞旌爲節婦二門雙節良可以風

趙氏汝陽人尚書好德之曾孫也天順初適里人胡冕逾五載生子禎甫及六月冕病卒趙矢歿守節致養舅姑居貧教子嘗脫簪珥佐之禎遂領弘治十七年鄉薦縣令雷宗以事

聞詔表其門曰節婦

趙氏汝陽人吏部郎趙敏之女孫也成化間歸上蔡張侗甫十歲而侗故即欲下殺以從

其姑曉之曰若有遺腹若死則張氏血胤絕矣趙泣而止已誕一子恭之撫以成立爲科博士弟子負寒燈淒影始終無間嘉靖初事聞詔表其門

范氏汝陽民莊十一之妻莊亡范年二十七舅姑老子幼家甚貧親識勸令他適范截髮自誓紡績以養舅姑恪守婦道年八十事

聞旌爲貞節

余氏汝陽人成化十五年適劉漢生子林甫歲餘漢卒余守節刺繡以養舅姑親黨有議奪其志者余夜撫林而泣曰吾不能顧汝矣乃自縊賴衆救得免翁姑相繼卒余竭力營葬形容枯槁正德癸酉林舉于鄉有司始以事

聞旌表其門

張氏汝陽人弘治初歸邑人桂蘭明年生子祥甫九閱月而蘭卒張誓不他適紡績自給孝奉舅姑各以壽終撫祥業儒領正德丙子

鄉薦授泗州知州陞工部員外郎事

聞詔表其門

蔡氏汝陽李暹妻也暹卒蔡年才二十八即
矢歿靡他日課子尚德讀書夜則篝燈
相伴稍長爲娶婦詹氏居數年尚德亦卒詹
年方二十七時值饑饉兼有流寇之變米珠
草桂驚恐流離詹悉屏鉛華躬操井臼上事
孀姑下撫孤兒竟能保其門戶子麒婦朱氏
亦竭力奉養不廢甘旨無何麒又病病且劇

泣語外曰天禍吾家吾必不起二孀一孤以
累汝矣遂卒卒之日朱年方二十六一孤呈
芳僅四齡有族人將不利於孺子屢以橫逆
來迫朱使嫁朱乃仰天大痛截髮自誓族人
始慚阻去艱苦備嘗冰霜共勵時有菊凌寒
不凋鄰里驚異以爲世節所感後相繼以天
年終至萬曆癸巳芳子本固以御史按秦事
竣具疏自陳事下禮部尚書羅萬化等題奉

旌表爲三節之門

劉氏二女者汝陽縣南馬鄉人也父劉玉生
七女家貧力田嘗輟耕之壠上嘆曰生女不
生男緩急非所宜其第四女第六女聞之惻
然誓不嫁人乃着短衣代父耕作日以菽水
承歡不啻兩當戶兒及父母相繼卒二女哭
之痛無力營葬即屋爲丘亦庶幾不離親側
迨隆慶四年史太守桂芳聞其事同楊督學
俊民躬詣其舍請二女出見年皆逾六十老
矣椎髻而前形容顛顛兩公太息泣下爲置

一區於郡城題其門曰孝節雙清仍月給粟
布贍之終身嗟乎昔趙威后受齊使者書四
問而及北宮之女嬰兒子無恙耶徹其環瑱
至老不嫁以養父母後有緹縈木蘭寥寥千
載劉氏女嗣其徽音終身絕伉儷之歡白首
甘窮餓之節高行殊邈湮滅不彰至今無能
徼

天子尺一表里樹風則誰之責也悲夫

張氏汝陽人諸生吾志學妻也女而士行口

無擇言及志學卒年才二十有七守節不渝
至嘉靖三十四年奉

旨旌表

蘭氏汝陽人適邑庠生周基伉儷篤重未逾
十年而基病卒蘭長號不食志甘同穴其兄
妹勸之曰舅姑蚤世終鮮一丁吾何用生爲
越二十日竟縊死柩側時隆慶三年春三月
也史太守桂芳聞之泣下自爲文以弔步送
歸窆仍請于臺使者具題奉

旨旌表其門曰貞烈

李氏上蔡人吳景和妻也景和卒李年僅二
十有一數欲自絕母持之得不死而泣曰妾
幸有遺孕儻得生男則夫死從子禮也踰月
果舉子撫子養姑始終一節所司以

聞詔旌其門

田臘梅監生田疇女也年方破瓜姿貌端麗
會流賊陷上蔡被執將犯之乃大罵曰吾名
家女已許爲雷黃門兒婦矣肯從爾狗彘耶

賊怒剖其腹正德八年事

聞有諂旌表仍行縣建烈女祠祀之

程蘭香上蔡民程秀之女已許聘賈氏子正德辛未爲流賊所執迫之使從女呼天唾罵聲色俱勵賊怒擊殺之後九十年而有程英姐亦其族也居恒慕蘭香之爲人適李生長春才八年而長春歿英日夜號呼欲絕者數矣有蕩子慕其色圖娶之父母已受其幣英聞而飲泣乘間縊于柩側貌如生邑令張延登爲傳其事兩女雙烈出自一門俱奉有

旌表

丘氏上蔡民王尚德之妻正德辛未流賊陷蔡城逐丘氏欲犯之丘且走且罵顧道旁有深井遂投井歿有司上其事

諂賜旌表如例

王氏上蔡人故贈君劉守志之妻中丞光國之母也守志卒王年僅二十一拮据營塋家徒四壁立乃茹苦課兒以機杼伴誦讀篝燈

熒熒常至丙夜由是光國得成進士爲名御史封王爲孺人又上疏自陳獲奉

旌表歸捧冠帔拜母堂下而母尚健年八十餘卒光國官至都察院右僉都御史

馬氏少叅驥曾孫也適上蔡諸生劉用良良卒馬年未及壯苦節自甘歲饑餽粥不給爲人傭刺繡以養舅姑至剪髮鬻錢佐之撫二孤駸駸有成而中道夭歿就養母家以老事聞詔旌其門

張氏名釗新蔡梅杲之妻也杲歿釗年僅十有九誓志靡他孀居五十餘年動遵禮度人無間言有司上其事

詔旌其門

李氏新蔡楊佐之妻也正德六年霸賊犯境李匿身井中賊慕其色詐以繩引之而出百計求合李唾其面碎其衣賊怒而殺之裂其屍又有史秀妻袁氏韓拱妻李氏亦皆罵賊而歿事

聞俱賜旌表

王氏遂平人御史良之女孫適邑人孫敷生一子一女矣二十五而夫子俱喪家且貧姑憫其幼寡欲嫁之王泣曰夫死無子姑老無依我若再嫁是無義也不義而生孰若死即引刀自殺姑泣而止乃以女贅夫躬率操作養姑以壽終王亦六十餘終事

聞詔表其門

賈慧恣西平人正德辛未流賊入城中賈年方十六少也又婉孌有色賊執之欲以獻其渠魁賈踴躍赴火不得遂卧地求死賊怒殺之又周氏女采蘋李氏女明良及毛選妻劉氏夏古淵妻左氏俱一時歿節者而劉歿尤酷至以刃解其屍於乎烈矣事

聞有詔褒旌俱祀于貞節祠

張妙秀西平人聘陝西叅政尹聰之孫琳未娶而琳卒秀請于母至葬所躍身壙中以頭觸棺泣欲同穴其母強扶之出挽之歸曰此

吾家也遂留不去一日姑病思鹿羹秀密割左臂以進姑食而甘之疾果愈年甫二十而卒

劉氏遂平劉繪之女邑諸生張堯心妻也娶未期年而堯心蚤夭劉不獨生即入室自縊以救免又數日劉盡給諸媪婢且解顏示之諸媪婢懈而散去竟縊歿

王九斤遂平民家女也正德六年霸寇破城睹九斤韶顏穉齒欲犯之誘以金帛不顧追之以刃曰若不從則刺其目九斤罵賊曰吾目可刺而身不可污也賊怒遂刺其目仍裂其肢體至歿罵不絕口事

聞旌爲貞烈

唐福惠遂平唐懷女也懷携女避賊至楚家鋪賊驟至擁患上馬惠泣罵不從賊怒剖其腹肢解之又有楊氏女亦徒手拒賊爲賊所戕事

聞俱旌其烈

張菊花遂平王仲和之妻遇賊於沙河之干
驅迫入寨張不從賊先奪其所抱女貫之於
鎗如摧叢鼓然以恐張張奮恨哭罵愈勵賊
怒磔之投其屍于河又有任昂妻張氏張表
妻周金帶皆以死拒賊事

聞俱奉旌表

王氏遂平諸生田一方之妻夫卒長號三日
遂觸棺而歿年才二十有一也

趙氏遂平諸生王民仁之妻嘉靖辛卯民仁
遘疾趙事之甚謹比卒即歿之直指上其事
旌爲貞烈之門

孔氏遂平人適李守貴隆慶二年春守貴病
革呼孔至榻前泣曰我死若好事新郎孔大
痛哭以頭觸牆曰妾請先歿以絕君念遂投
繯而歿守貴明日亦卒知縣徐世隆躬往弔
之

祝氏遂平郭維藩妻也萬曆間維藩以疾卒
祝年方二十乃乘夜縊歿邑令郭思極題其

門曰貞烈

沈氏確山姚忠之妻忠卒沈年方二十一遺腹生一子呱呱而泣也家又貧甚父母憐而欲嫁之誓死不從景泰五年有司以事

聞詔賜旌表

宋氏馮氏確山党有材之妻妾也友材卒時宋年甫二十三馮年甫十八門無一丁終鮮兄弟可以嫁矣而二女同心共處一室悉以田廬讓之伯叔惟紡績自度以老事

聞表其門曰雙節

張氏真陽張五之女也方六七歲時有媒灼來議婚曰女首有瘡矣女以爲辱已遂泣而走誓不嫁人及長瘡愈獨守前誓父母強之便欲自殺竟能完其節至九十六歲而終重一言於九鼎輕伉儷若鴻毛斯亦人情所難也

橫山烈婦者不知其誰氏亦不知其夫爲誰氏以其家于真陽之橫山故稱橫山烈婦云

嘉靖三十三年大盜任泰據橫山聚衆千人
流劫州縣當道檄信陽衛及汝陽真陽確山
官兵會勦時烈婦之夫方荷鋤田間爲兵所
執送之縣杖殺之烈婦走覓其夫辨其厥于
積屍中仰天大哭曰嗟乎冤哉爲盜者誰而
殺吾夫負而歸哭六日不絕聲歿遂同穴焉
行路聞而悲之後二十年趙司理南星爲作
橫山烈婦詩

沈氏光州郝昂妻也昂死沈年十九生子郝

文宿甫一歲父母俱亡年十歲幼勸令改適

沈焚香籲天斷右手指爲誓年八十五完

節而終事

聞詔表其閭

王氏光州史嘉法之妻年二十夫病卒王親

殮之即閉戶自經歿家人爲治棺合葬哭而

送者數百人知州陳王道臨其喪弔祭以禮

扁其門曰烈婦

胡氏光州生員誼妻也誼被病胡侍藥六年

焚香祈代而誼竟歿胡觸棺長號期以身殉
爲家人所防範乃絕口不食七日端卧而瞑
事

聞詔表其門

盧氏光山人適邑諸生東欽欽父旭以御史
謫戍通海卒於途欽征和泥卒于兵有張姓
者謀娶盧盧經于室以救免張復強致其聘
盧揮諸門外號哭三日赴海歿時洪武辛未
秋七月也嘉靖丙戌魯憲副聞而嘉之曰卓

哉盧氏之歿也可以風矣盧以夫死曰節欽
以父歿曰孝旭以君死曰忠乃立祠通海扁

其門曰東氏三節祠

見南海志

孔秋香光山民家女也正德七年流寇至遇
女于白雀園迫其從已女大罵舉刃傷賊賊
怒肢解之時有霍氏女亦爲賊所殺有司並
上其狀

詔並旌之

李氏女光山人許聘同里羅生羅生家貧爲

繼母凌虐以死女聞計酸楚縞素自居有富室欲娶之乃剪髮垢面以死自誓禮佛誦經不出戶庭者三年一夕端坐而逝人咸以爲羽化

黃氏光山盧應期之妻元氏令永之母也永生三日而期歿黃一痛而絕久之始蘇事姑訓子四十餘年并日而食凜如冰雪萬曆戊戌子永成進士陳情

闕下詔賜旌表而黃氏一家

葛氏固始諸生李棠妻也正德七年從夫避賊獅子口至史河未及渡賊騎卒至葛謂夫曰賊迫矣勢將不免遂携夫投河而歿時有御史朱冠母李氏妻王氏亦歿于賊事

聞俱表其門

田氏固始人適邑諸生吳芬不數年而芬死田矢志靡他撫其遺孤紹志以學行著聞年八十卒有

詔旌表其門

吳氏固始人聘徐蘭未成婚蘭以他事縊歿
吳聞欲往哭臨母不聽亦縊歿及葬百人界
之不動許與蘭合塋其棺如飛又有夏家婦
單氏孫守貞妻申氏胡登仕妻胡氏許允臧
妻閻氏汪本源妻張氏周光宣妻單氏俱自
經以殉其夫者然惟單申閻奉有
旌表而餘尚未也則亦有幸有不幸也

岳妙雲息縣人年十七適劉生茂甫半載茂
忽遘疾執岳手若有所屬而口不能言岳泣
曰得無以我爲慮乎我斷不更爲他人婦茂
乃卒岳誓不移節事

聞旌表後舅卒岳脫簪珥葬之備極哀瘁閱三
日亦卒人稱其節孝兩全云

董妙聰息縣張九方妻也正德間流賊驟至
悅其貌驅使從行董勵聲曰我良家婦肯從
賊乎以刀自刺其面賊怒殺之事

聞旌表

楊氏息縣黃家樓之妻樓卒子杰甫三歲誓

不改適延師訓子永襲三十年如一日也萬曆己丑杰登進士爲庫部郎疏陳母節奉

旨旌表其門

喻氏商城桂客妻也正德七年流賊掠商城遇喻于廟子岡逼之上馬喻不從罵賊而歿賊平客收其屍葬焉貌如生

黃氏商城生黃惟吉女適里人余永泰性柔惠有志操夫卒黃號痛幾絕尋引繩自經母覺而解之後五日母防少懈竟經歿時年僅

二十有三也縣官以請于上俟旌表

彭氏信陽彭養性之妻養性病亡彭年才十九願與夫偕亡顧其子甫三月所親力勸乃起而鞠子子年十四度可立適其姑卒舅娶一再醮婦強之拜彭掩面號泣曰失節之婦吾何忍見之遂閉戶雉經歿

辛氏信陽庠生蔡人俊婦也生病辛躬侍湯藥不暇餐沐而生竟卒辛茹哀飲痛夜自經尸側家人驚救移時張目曰我何用生爲言

已絕粒姑持糜強哺之旋哺旋蘇旋蘇旋却積五十日竟歿其五十日內穉踊哀號之聲徹于閭巷路人無不流涕者州守朱家法題其門曰貞烈

周氏羅山劉環之妻環卒周年甫二十五守節甘貧始終無玷正德七年邑令石瓚以事聞奉有旌表

詹氏羅山人年十九適尚儒僅三載而儒卒詹繡居四十餘年比潔于玉事

閩旌表

胡氏羅山黃雍妻也雍業儒未就卒胡年方二九撫其三歲孤加緒向學緒少怠即對之泣曰若父齋志以沒其未竟之業待若也緒亦泣竟領正德己卯鄉薦爲中部令事

閩旌表

麻氏羅山庠生麻袍女也年十四聘光山錢寧未嫁而寧舉家病疫歿者半懇求其母往視姑婿至則寧已歿矣女跪奉藥餌于姑姑

飲之稍愈即欲從夫地下母以未嫁爲解女
曰一許即夫也遂自經夫傷事

聞監坊表之題曰星月同孤

柱下史曰語云馬不必冀產要之善走女不
必貴種要之貞好吾汝女士自昔多賢如滄
母隗婦忠義才辯以及我

朝諸媛紅粉白刃視歿如歸華髮青燈抱節無
貳此豈盡士大夫妻女哉即遐取窮巷裙布
或荆亦有然者何其盛也余不能悉紀爰取

其歿事及奉

旨褒旌者列之傳餘則有各州縣之志在矣

汝南志卷之十九

終

汝南志卷之二十

郡人李本固叔茂甫撰

仙釋

春秋任光者上蔡人善餌丹賣于都市里間積八九十年乃知是故時任光也趙簡子聘與俱歸常在柏梯山上後不知所在

出劉向列仙傳

漢費長房汝南人爲市掾有老翁賣藥于肆市罷輒跳入壺中市人莫之見獨長房于樓上見之異焉因往再拜奉酒脯翁乃與俱入壺

中惟見玉堂巖麗旨酒甘醴盈衍其中共飲
畢而出後乃就樓上候長房曰我神仙之人
以過見責今事畢當去子寧能相隨乎樓下
有少酒與卿爲別長房使人取之不能勝翁
笑而下樓以一指提之而上視器如一升許
而二人飲之終日不盡長房遂欲求道而顧
家人爲憂翁乃斷一青竹度與長房身齊使
懸之舍後家人卽以爲縊歿大小驚號長房
立其冢而莫之見也於是遂從入深山踐荆

棘於羣虎之中留使獨處長房不恐又卧於
空室以朽索懸萬斤石于心上衆蛇競來齧
索且斷長房亦不移翁還撫之曰子可教也
復使食糞中有三蟲臭穢特甚長房意惡之
翁曰子幾得道恨于此不成如何長房辭歸
翁與一竹杖曰騎此任所之又與一符曰以
此至地上鬼神長房乘杖須臾來歸自謂去
家適經旬日而已十餘年矣卽以杖投葛陂
顧視則龍也家人謂其久死不信長房曰往

日所葬但竹杖耳乃發棺視之果然遂能醫
療衆病鞭笞百鬼或在宅坐獨自恚怒人問
其故曰吾責鬼魅之犯法者耳又嘗坐客而
使至宛市鮓須臾還乃飯或一日之間人見
其在千里之外者數處後失其符爲衆鬼所
殺

汝南桓景隨費長房游長房謂曰九月九日
汝家當有災宜急去作絳囊盛茱萸以繫臂
登高飲菊花酒此禍可除景如言舉家登山

夕還見雞犬皆歿今世人九日登高飲酒婦
人帶茱萸囊始此

出續齊諸記

晉許遜字敬之汝南人博通經史尤嗜修煉之
術舉孝廉爲蜀旌陽縣令歲饑嘗點瓦礫爲
金俾民得輸負租爲符呪以治病活數千人
以世亂棄官與吳猛同遊江左謁王敦敦意
不善乃隱形去後得飛步斬邪之法時西安
有蛟物上遼有巨蛇爲民害遜皆斬之至豫
章復有老蛟及其黨甚衆遜踪跡得之斬除

無遺又鑄鐵爲柱下施八索鈎鎖地脉由是
水妖絕迹遊韶陽郴衡諸郡除害尤多太康
二年已一百三十六歲矣忽一日羽蓋幢車
自天而下登車與其弟子家屬四十二口同
時昇舉雞犬亦飛去

許邁字叔玄遜之從弟也未弱冠時嘗造郭
璞璞爲之筮遇泰之上六爻曰君元吉自天
宜學升遐之道時南海太守鮑靚隱跡潛遁
人莫之知邁乃往候之探其至要父母具存

未忍遽違乃築舍餘杭懸雷山往來茅嶺以
尋仙跡朔望還家覲省父母既終遣婦還家
遍遊名山採藥脈氣乃改名玄字遠遊移入
臨安西山寄書與婦告別又著詩一十二首
自後莫知所終人謂之羽化云

出廣列
仙傳

許穆亦遜之從弟也入華陽洞得道遇西王
母女雲林夫人降教之得爲佐卿仙侯幼子
羽小字玉斧爲侍宸仙翁後雲林夫人與穆
書云玉醴金漿交梨火棗當與山中許道士

不與人間許長史

出廣列仙傳

南北朝慧思禪師於北齊天保中過光山縣淨
居山見老父問其姓曰蘇又見淨居在大蘇
山之南小蘇山之北乃嘆曰吾師告我遇三
蘇則住遂留結菴而父老竟無有蓋山神也
陳天嘉初僧知顓來謁慧思一見即謂昔靈
鷲同聽法華經今復來矣即示以普賢道場
說四安樂行師入觀三七日身心豁然思曰
非汝弗證非吾莫識

唐僕僕先生不知何許人居光州黃土山三十
年嘗餌杏丹乘雲往來州刺史李休光以爲
妖叱左右執之龍虎忽見其側先生乘之而
去須臾雷電大至碎庭槐十餘株衆皆奔潰
後有客於義陽郊行日暮投宿道傍草舍見
老人與藥數丸食之便飽既明辭去見老人
乘五色雲去地數十丈客遽禮之至安陸爲
人述其事縣官以爲惑衆繫之向空祝曰仙
公何事見令受不測之罪忽老人坐五色雲

自北方來縣官再拜問其姓氏老人曰僕僕
野人也乃釋客畫像奏聞勅立廟祀之天寶
初因以仙居名縣

皇甫玄真者貌甚都雅衣白若鶩羽高瑀在
蔡州時有軍將田知廻欠官錢數萬憂迫計
無所出至外縣去州三百餘里其類十餘輩
爲設酒食開解之皇甫但微笑曰此亦小事
衆散乃獨留謂田曰子嘗游海東獲二寶物
當爲君解此難田謝之請具車馬悉辭行甚

疾其晚至州舍于店中晨謁高高一見不覺
敬之因請高曰玄真此來特從尚書乞田性
命高遽曰田欠官錢非瑀私財如何皇甫請
避左右曰某於新羅獲一巾子避塵欲獻此
贖田即于懷內探出授高高纔執已覺體中
虛涼驚曰此非人臣所有且無價矣皇甫請
試之異日因晏於郭外時久旱埃塵甚高顧
視馬尾鬣及左右騶卒數人并無纖塵監軍
使覺問高不敢隱乃與俱往見皇甫監軍戲

沙南志
卷之三
九
曰道者獨知有尚書乎更有何寶願得一觀
皇甫於巾上抽一鍼與之鍼金色大如布鍼
監軍仍割於巾試之驟於塵中塵惟及馬鬣
尾焉高與監軍日日禮謁將討其道要一夕
忽失所在矣

應夷節汝南人生不喜茹葷長游天台龍虎
山師馮惟良得上清大法棲真天台之道元
院日誦黃庭大洞二經爲人致福忽一日沐浴
入靜凝神解化是夕清香馥郁猿鳥悲鳴
及就定視之但空棺而已

淮南都梁山全植禪師光州人也姓芮氏初
結菴居止太守衛文卿命本州長壽寺開法
聚徒文卿問曰將來佛法隆替若何師曰真
實之物無古無今亦無軌躅有爲之法四相
遷流法當墜厄君侯可見會昌四年年九十

三而終

出傳
燈錄

宋僧寶曆蘇學士子瞻過嘉祿鎮舍于逆旅祁
宗祥家見壁間有詩云滿院秋光濃欲滴老

僧倚杖青松側只恠高聲問不應嗔予踏破
蒼苔色末題云淦水僧寶麈書宗祥曰此光
黃間狂僧也年百歲歿于熙寧間既歿人有
見之者其異跡甚多

元楊道和上蔡人生而奇異有相人者見之曰
此子仙風道骨非風塵中人矣及長棄俗修
道寓蔡之白雲洞中復置至人授以仙訣至
元初忽白日翬舉後有人見之淮上者

明張一中汝陽人永樂初遇異人授金丹之術

結廬城南日餌杏丹一粒與侍郎趙毅高士
金子齡游處毅嘗貽之詩云寄語城南張處
士一中造化要平分宣德間年八十六出其
書火之俄然而逝逾四十日就殮顏色如生
識者以爲尸解父老相傳毅使交趾至雲南
一古驛有彈琴斬鍋精之事卒于途衣上舉
棺不得合忽一道士來噴水呪之始合亦異
事也

萬鳳光州人幼不肉食事母至孝人稱爲萬

孝子自謂受道士劉通明丹法嘗登武當天
柱峰見老人語甚秘歸隱銀山閉關習靜有
客過訪輒先期知之掌中常如搏火童顏鶴
髮儵然自遠人或謂在生九年先生廿載天
乎人乎萬嘆曰甲子迫矣嘉靖癸亥

上詔訪巖穴有司以萬行萬佯跛還山以甲子
正月沐浴而化人以爲仙去著有中陽子三
篇

楊布袋者不知何許人蓬頭跣足體有癩痕

冬夏繫一衲若布袋然故人呼爲楊布袋渠
亦自謂楊布袋云嘉靖戊戌游行汝南村落
間爲人治病第以手按摩或布氣攻之病輒
愈懷安莊惠王慕樂之館於邸中時邸中數
有恠楊夜召恠叱責使去恠遂絕王愈加禮
重嘗與客試其術能百日不食亦能一日百
食履水不溺入火不焚冬月呼取鮮桃輒有
桃連枝墜下爲王壽王食之甘芳盈頰伍將
軍汝忠爲兒時病瘖幾殆其家以謁楊楊曰

是兒當不歿且有一金帶遂與共卧者累日
病霍然已後爲寧夏遊擊將軍果橫金也一
日詣懷安王告去王不聽乘夜逸去王令數
騎追之及於朗陵贈之百金不受曰我自有
餘乃蹴地金色爛然竟去莫知所之明年有
邢半仙者抵汝覓楊曰是宋將楊業之裔爲
統制同文丞相敗元軍宋亡入山得仙云余
嘗於懷邸睹其遺像綽約若處子信匪食烟
火人矣

行源者上蔡人爲郡開元寺都綱頗知詩慕
遠公支郎之爲人嘗與士大夫遊處河南叅
政宋琰僉事劉咸俱題其畫像年七十餘能
夜寫法華經不焚燭疑其有悟云於嘉靖初
化去

海天法師者名宗浩上蔡人嘗遊普陀少林
諸名山歸而駐錫邑之福興寺登壇說法大
闡宗風已謝去閱藏于朗山數年著教海要
錄行于世其自序云佛之法身本無生滅因

應機以示生由緣畢而入滅其示生也後身
菩薩住覺率天爲化物託白淨之官酬願力
現黃金之色厭處三殿遊玩四門天王捧白
馬而逾城給使持寶冠而詣闕入仙林而抽
簪適禪河而宴坐六年苦行十力智圓魔兵
席卷正覺道成其說法也四十九年三百餘
會阿含方等開四諦爲大乘之始般若法華
引三根入實相之門本懷既述便唱涅槃原
始要終五千餘軸此土撰集百有餘帙廣擴
若空汪洋如海予以管窺螺約之量採集纖
微之文目之曰教海要錄總列二十四部以
彰其本別開聲韻條陳用顯其末攝末歸本
靡所不在間有文義餘缺皆由識見狹促廣
畧長短並無胸臆加減一篇一偈盡出于教
海或事或理悉載于諸經望通人達士意莫
是古非今將聖言爲允詞只宜以文會義棄
筌蹄而取魚是爲依了義不依不了義也萬
曆九年化去年八十餘

柱下史曰仙釋二氏儒者不道然列子述化
人之事莊周稱姑射之仙長卿乃賦大人叔
夜著論養生與夫安期浮丘達摩羅什之倫
具載史冊安可謂全誣也獨恠世人自投火
宅未解天殃與物爲構日以心闢往往金玉
其外而敗絮其中顧哆口以闢佛老曰妖妄
曰異端此與以耳食何異余故列著任光以
下二十人皆事關汝南有足據者譬諸草木
猶靈樁芝英也世必以爲孟浪之談

方技

漢蔡父汝南人善相人術翟丞相方進幼孤給
事太守府爲小史數爲掾吏所詈辱迺從蔡
父相蔡父曰小史有封侯骨當以經術進其
努力爲學問方進既厭爲小史聞蔡父言心
喜遂棄去西遊京師卒以丞相封侯

出翟方進傳

郭憲汝南人少好術數明陰陽推步之學建
武七年爲光祿勳從駕南郊憲在位忽向東
北含酒三澀執法奏爲不敬詔問其故憲對

曰齊國失火故以此厭之後齊果有火災與
郊日時皆同遇大雨而熄雨有酒香其居官
大節具前忠義傳中

許曼汝南平輿人祖父峻善卜占之術自云
少嘗篤病三年不愈乃謁太山請命行遇道
士張巨君授以方術所著易林至今乃行于
世曼少傳峻學桓帝時隴西太守馮緄始拜
郡開綬笥有兩赤蛇分南北走緄令曼筮之
卦成曼曰三歲之後君當爲邊將東北行三

千里復五年更爲大將軍南征延熹元年緄
出爲遼東太守討鮮卑至五年復拜車騎將
軍擊武陵蠻賊東南之驗不爽絲髮他占多
類此

三書生不知其何許人汝南袁安爲父求葬
地道逢三書生問安何之安爲言其故生乃
指一處云葬此地當世爲三公須臾不見安

異之遂葬其地

出東漢書

晉隗炤汝陰人善於易臨終書版授其妻曰吾

亡後當大荒窮雖爾慎莫賣宅也後當有詔
使來頓此亭姓龔此人負吾金卽以此版往
責之焰亡後其家大困乏欲賣宅憶夫言輒
止期日有龔使者止亭中妻遂齎版往責之
使者執版惘然不知所以良久乃悟取著筮
之卦成撫掌而嘆因告焰妻曰賢夫自有金
耳知亾後當暫窮故藏金以待太平所以不
告者恐金盡而困無已也知吾善易故書版
以寄意耳金有五百斤盛以青瓮覆以銅梓

埋在堂東去壁一丈入地九尺妻還掘之皆
如上焉

郭曆西平人少明易符堅末當陽門覆刺史
梁熙問曆曰其祥安在曆曰當有外國二王
來朝一當返國一歿此城歲餘而鄯善及前
部王朝于符堅西歸鄯善王歿于姑臧呂光
之王河西也西海太守王禎叛曆勸光襲之
光之左丞呂寶曰千里襲人自昔所難曆曰
若其不捷曆自伏斧鉞之誅如其克也左丞

爲無謀矣光從之果克

隋董展字伯仁汝南人以才藝稱鄉里號爲智囊官至光祿大夫殿內將軍尤長于畫雖無祖述不愧前賢夙德名流見者失色與展子虔齊名曾作道德經變相爲時所稱自非畫外有情叅靈酌妙入華胥之國與化人同遊何以臻此

出欣賞編

明張儒字宗道上蔡人湖州判琳之子也生而岐疑望之如王家有邵康節皇極數一覽卽

悟爲人決休咎無不奇中領弘治壬子鄉薦三場題目皆預書置一函中戒家人勿泄及發封悉驗衆驚異以爲神年三十三卒當未卒時妻孥環泣以門戶爲憂儒張目曰吾家已有靈芝矣蓋其猶子惟恕方在孕也後惟恕官至御史

房景敏汝陽人侍郎安之猶子也幼聰慧與兄景敷共鉛槧屢試不售乃慨然曰丈夫不爲良相則爲良醫遂潛心素問難經而通其

輿又參用仲景河間諸名家術爲人療病隨
手輒効然初不拘拘于古方也其四代孫文
實以郡庠生世其業尤善別脉能預知人生
死不爽時刻與同郡石昊齊名並稱國手所
著有春田一覽行于世

秦潮汝陽人蚤脫俗累隱于汝朗之間孝弟
力田絕跡城市壯年妻喪遂不娶慕喬松之
永延效禽向之長往南遊衡嶽匡廬西抵終
南太華遇異人授以秘訣兼通太乙奇門諸

數於天地風雲人生休咎占驗無爽或爲人
卜葬有所得輒隨手散給貧兒兄某負官銀
三十兩卽代償無難色且折券也一日夜盜
窺其藩眩瞽欲死更它盜往亦復爾爾自是
相戒無敢涉秦三老境者蓋潮以術陰制之
若此李本寧太史曾題其卷有長謝一丘遊
五嶽手揮白日拂蒼烟終南匡廬探幽秘遂
有仙人授奇字之句年九十六無疾而終孫
鎬國學生長於詩

方日中郡之諸生少有操行父所遺美田園
盡讓諸兄弟而獨取其薄者偶得邵康節皇
極數一書潛心推筭遂洞其術爲人決事輒
驗友人李一雋歲試畢從日中占得一蛛落
帽之象斷曰當有一人居其首而君次之後
果然周生基問病象見一牛無首曰牛無首
安得生乎於字爲午其死於午月乎仲夏基
竟死它如劉太守復初之領解趙方伯壽祖
之登第無不懸斷亦無不奇中也賓客輻湊

戶外之履常滿久之厭倦因謝客杜門習靜
舉止僂僂逮萬曆丙午年七十有七矣乃湏
定其歿期至日端坐而逝

柱下史曰昔太史公著龜策日者扁鵲倉公
列傳皆津津然道之若司馬季主市肆一談
坐令賈誼宋忠芒手無色此其人亦未可量
也吾汝向來以技能立名者何限類以爲小
道棄置弗載則掌故者之責今據耳目所睹
記若干人列其行事如左俾後之君子得以

考覽焉

汝南志卷之二十

終